

不知醫必死

	申 2
	71
	共 4 册



廣鬱梁子材先生輯

不知醫必要

粵東
文華閣書局版



序

醫書夥矣上自靈樞素問啟發元微後則
張仲景劉河間朱丹溪李東垣諸名賢以
及近世王路張氏西昌喻氏雲間黃州二
李氏景岳張氏類皆各有心傳創立至論



業是者自常博覽詳辨精思審問以求
衷臨證又復變通法古而不泥古夫然後
得以知醫名否則皆不得謂之知醫也
今世之所謂知醫者大都墨守一家或固
執成方存以方試病之倖心鮮因病立方

之灼見而不知醫者亦遂敬而聽之其
誤為不少矣照甚慨焉頃閱

梁子材先生所輯不知醫必要一書悉心

披閱見其條分縷晰簡易詳明俾不知醫
者得以遇病檢閱心目了然按證施方有



所把握不致為庸庸者所誤此中造福
德豈有量哉因捐資亟付手民壽之
以傳於世煦不知醫亦勉誌鄙見於簡端
云爾

光緒七年孟春月旭階氏岑春煦謹序



予甚慨焉丙午秋領鄉薦後家居數載
暇時輒取前人所著方論擇其辨症顯

明藥皆常見者刪繁就簡並叅以已見

彙集成編因遭寇亂半已散亡今任苜

蓂閔官謹將所存者檢出失者補之略



者增之以便人抄錄倘不知醫者誠能
家備一書臨症翻閱庶不至為庸醫所
誤未嘗無小補云

光緒六年仲秋七十老人子材梁廉夫

書於靈川學署



自序

古來醫書自靈素而下代有著作然類
皆卷帙浩繁義理精奧吾人各有所事
既不能舍己業而習之一旦有病不得
不託之於醫夫醫所以濟人也識有不



到即未免殺人嘗見世之市醫往往利
用歌訣執而鮮通幸而病愈不知何藥
之投若未愈則不憚以人試藥始而輕
繼而重卒至於危而不可救以父母妻
子之性命誤於庸庸者之手而不自知



序

子翁先生僕之莫逆友也當僕蒞貴任時
人宵瞻臺子羽風非公不至心焉欽慕之而未
敢以瑣屑致請也及遇有疾延佇視質方無多
藥數而一投輒效若海上仙術不漢翁醫理
之精真於此道三折肱也既而文郎以少年舉



於卿併捷南宮榮膺中書職而翁亦選授靈川
儒學遂數年不相見惟以雙鯉時通往來而
翁所至之要舍活多人孫信功至不下良鄉焉
己卯秋僕適却布山篆僑居者垣翁以所著不
知醫必要編向序於僕披閱之下見其中論症
顯明選方詳慎知翁誠能博覽諸名醫之作而



北京中醫藥大學圖書館藏

得其竅要以系以對千年閱歷舉凡時症雜症
之紛紜著述必不並蓄兼收瞭如指掌於彙
一編也記者之醫不三世不服其藥如翁之少
而習長而安老而不倦與三世醫無以異殆所
謂括古今之奧旨成一室之微言者乎僕本不
知醫常因疾求醫非特時醫不知翁之簡要即



良醫亦鮮如翁之審慎也信之於素更徵之實
翁之集為是編非因疾用藥之一言蔽之也
是為序

光緒五年季秋山左愚弟焦肇賡撰



不知醫必要

廣鬱

梁廉夫

子材著

男

吉祥
慶祥
瑞祥

嵩生
善卿
紫波

要言

一脈理最微雖聰悟過人加之細心參考尙不能盡悉其奧妙
醫者動云診脈知症此乃謬妄之談欺人以取利耳不知醫
者且不必言脈

一臨症最要者惟問問其飲食好涼好熱初病因何而起曾服
何方服某方合服某方不合逐一問明已得其大概



南京中医药大学图书馆版权所有

一凡人平日體質寒者所得之病多寒體質熱者所得之病多熱試看嗜酒之人陽臟則酒氣上升而爲熱陰臟則水氣下降而爲寒可知熱因熱化寒因寒化矣

一實熱症必渴欲飲水目有眵唇紅口氣臭舌燥微有黃胎其則起芒刺或黑而焦小便短赤大便乾結尿管痛澀形色聲音壯厲○不必各樣俱全但見多有可據者便知其爲熱

一虛寒症必喜飲熱湯唇不紅目氣不熱舌白無胎帶潤大便溏小便清長形色聲音微弱○不論何病看其大小便最爲確據如大便稀溏小便清長斷無熱症至於微黃之色亦不



可卽以爲熱凡人中氣不足或勞心勞力與陰虛者小便往往帶黃宜細辨之

一陽症似陰陰症似陽或渴欲飲水多亦不厭者此火有餘也或飲水祇飲些須不久又飲者此真陰不足欲得外水以潤之也雖狂躁譫語要看其舉動有力無力聲音或壯或弱併問其大便秘結小便清赤如何細心辨之始無所誤

一陡然發熱多是感受風寒卽速先服散劑切不可隱忍以致邪傳入裏誤事如未愈然後審症用藥旣免風寒相兼則見病治病乃易於調理